



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **60-1197-19/25**

Sarajevo, 26.11.2025. godine

Int. br. nabavke: **60-281-43/25**

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22 i 50/24) i Preporuke iz Zapisnika broj: 60-1197-18/25 od 26.11.2025. godine, uz primjenu **otvorenog postupka**, donosim

O D L U K U

o izboru najpovoljnijeg ponuđača za javnu nabavku roba "Nabavka i ugradnja novih klima uređaja"

Obavještenje o nabavci br.: 1132-1-1-73-3-74/25

Član 1.

Kao najpovoljniji ponuđač za javnu nabavku roba **"Nabavka i ugradnja novih klima uređaja"** bira se ponuđač **ICE-NET d.o.o. SARAJEVO, ul. Dobrinjske Bolnice 16, registrovan kod Općinskog suda u Sarajevu, MBS: 65-01-0359-19, JIB: 4200872180005**, za ponuđenu cijenu **15.499,00 KM bez PDV-a**, odnosno **18.133,83 KM sa PDV-om**.

Član 2.

Ponuđaču **ICE-NET d.o.o. SARAJEVO** će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se **Sektor laboratorija za vode** Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2025. godinu, ekonomski kod 821410 i 6148193216, stavka Plana C.2.16.

Član 5.

Ova odluka će se objaviti na web-stranici www.voda.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 60- 1197-3/25 od 10.09.2025. godine.

Javna nabavka je provedena putem otvorenog postupka.

Procijenjena vrijednost nabavke bez PDV-a je 23.094,00 KM.

Obavještenje o nabavci broj: 1132- 1-1-73-3-74/25 je poslato na objavu i objavljeno na portalu javnih nabavki dana 03.10.2025. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. "TEHNOTIM" D.O.O. BANJA LUKA
2. ZEMAC D.O.O. BANJA LUKA
3. STR "RISTIĆ" G. KRČINA, UGLJEVIK
4. RB WOODWORK
5. ENERGO CENTAR
6. KONTAX D.O.O.
7. SP BOJAN GOLEMOVIC A/C SERVIS
8. "MODA" DOO
9. SA INVESTMENT
10. BMG ELEKTRONIK
11. FILT DOO
12. HIDRO-GEO INZINJERING
13. HOLLODEX D.O.O.
14. BBS EUROPE
15. EKAPIJA DOO
16. TENDERI DOO
17. SES D.O.O.
18. ACING DOO SARAJEVO
19. MANECO DOO
20. "DIGITAL LINE" D.O.O. SARAJEVO
21. ICE-NET D.O.O.

Komisija za nabavku imenovana je Rješenjem broj: 60-1197-5/25 od 06.10.2025. godine.

Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 21 (slovima: dvadeset jedan)
- Da je ukupan broj pristiglih ponuda 6 (slovima: šest)
- Da je ukupan broj blagovremeno zaprimljenih ponuda 6 (slovima: šest)
- Da je ukupan broj neblagovremeno zaprimljenih ponuda 1 (slovima: jedna)
- Da su ponude 4 (slovima: četiri) ponuđača prihvatljive
- Da su 2 (slovima: dvije) ponude ocijenjene kao neprihvatljive.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Komisija je smatrala da su 4 (četiri) ponude prihvatljive.

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Ponuda ponuđača A/C Servis S.P. Golemović Bojan ne ispunjava formalno-pravne uslove tražene TD.

Tačkom 5.4.1. a) TD je jasno zahtjevano da ponuđači imaju uspješno iskustvo u realizaciji 3 (tri) ili više ugovora u posljednje 3 (tri) godine od dana objavljivanja obavještenja o nabavci ili od datuma registracije odnosno početka poslovanja, koji su u vezi s predmetnom nabavkom odnosno čiji su karakter i kompleksnost isti ili slični predmetnoj nabavci, te čija kumulativna vrijednost ne može biti manja od procijenjene vrijednosti ove nabavke. Pod sličnim ugovorima se podrazumijeva slijedeće: nabavka ventilacionih sistema, rezervnih dijelova i servisne opreme za klima uređaje i rashladnu tehniku.

Tačkom 5.4.2. pod a) TD su kao dokazi propisani Spisak izvršenih ugovora (Aneks 8) o isporučenim robama koji su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno 3 (tri) ili više ugovora čija kumulativna vrijednost ne može biti manja od procijenjene vrijednosti nabavke.

Ponuđač A/C Servis S.P. Golemović Bojan je u svojoj ponudi (strana 41. Ponude) u Aneksu 8- Referenc lista naveo samo jedan ugovor o izvršenom poslu u posljednje tri godine, što nije u skladu sa tačkom 5.4.2. Tenderske dokumentacije, kojom je nedvosmisleno zahtjevana realizacija minimalno 3 (tri) ili više ugovora čija kumulativna vrijednost ne može biti manja od procijenjene vrijednosti nabavke.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ponuda ponuđača Digital line d.o.o. Sarajevo ne ispunjava formalno-pravne uslove tražene TD. Tačkom 5.4.1.

a) TD je jasno zahtjevano da ponuđači imaju uspješno iskustvo u realizaciji 3 (tri) ili više ugovora u posljednje 3 (tri) godine od dana objavljivanja obavještenja o nabavci ili od datuma registracije odnosno početka poslovanja, koji su u vezi s predmetnom nabavkom odnosno čiji su karakter i kompleksnost isti ili slični predmetnoj nabavci, te čija kumulativna vrijednost ne može biti manja od procijenjene vrijednosti ove nabavke.

Pod sličnim ugovorima se podrazumijeva slijedeće: nabavka ventilacionih sistema, rezervnih dijelova i servisne opreme za klima uređaje i rashladnu tehniku.

Tačkom 5.4.2. pod a) TD su kao dokazi propisani Spisak izvršenih ugovora (Aneks 8) o isporučenim robama koji su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije

manje od 3 (tri) godine, koji sadrži minimalno 3 (tri) ili više ugovora čija kumulativna vrijednost ne može biti manja od procijenjene vrijednosti nabavke.

Ponuđač Digital line d.o.o. Sarajevo je u svojoj ponudi (strana 34. Ponude) u Aneksu 8-Referenc lista naveo 3 ugovora o izvršenom poslu u posljednje tri godine, međutim Potvrda o uredno izvršenim uslugama broj: 01-03-2735/22 od 19.10.2022. godine nije u skladu sa zahtjevanim uslovima iz TD.

Naime, u gore citiranoj Potvrdi (strana 35. Ponude) stoji da je ugovor o nabavci usluge kupovine i ugradnje klima uređaja u objektima JU Apoteke Sarajevo realizovan u periodu od 27.07.2022 do 23.08.2022. godine.

Navedeno znači da je ugovor realizovan prije perioda od posljednje 3 (tri) godine računajući od dana objavljivanja obavještenja o nabavci, te se stoga dostavljena Potvrda o uredno izvršenim uslugama ne može prihvatiti kao validan dokaz.

Obzirom da je tačkom 5.4.2. Tenderske dokumentacije nedvosmisleno zahtjevana realizacija minimalno 3 (tri) ili više ugovora čija kumulativna vrijednost ne može biti manja od procijenjene vrijednosti nabavke, a u ponudi ponuđača Digital line d.o.o. Sarajevo su bile dvije ispravne i prihvatljive Potvrde o izvršenim ugovorima, a sve u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda ponuđača Digital line d.o.o. Sarajevo je nepravilna i kao takva nije prihvatljiva za ugovorni organ.

Dana 27.10.2025. godine u 12 sati od strane uposlenice protokola Agencije za vodno područje rijeke Save, Sarajevo je zaprimljena Ponuda ponuđača "Energo Centar" d.o.o Trn Laktaši, u otvorenom postupku nabavke "Nabavka i ugradnja novih klima uređaja", zavedena kroz internu knjigu protokola broj 60-1197-14/25.

Obavještenjem o nabavci broj: 1132-1-1-73-3-74/25 objavljenim na Portalu javnih nabavki dana 03.10.2025. godine kao i tačkom 6.7.2.TD koja je objavljena zajedno sa Obavještenjem o nabavci kao krajnji rok za dostavljanje ponuda bio je određen 24.10.2025. godine do 8:30 sati.

TD je propisano da će Ponude koje budu dostavljene po isteku ovog roka biti vraćene ponuđaču neotvorene. Obzirom da je Ponuda ponuđača "Energocentar" d.o.o. Trn Laktaši, za javnu nabavku "Nabavka i ugradnja novih klima uređaja" zaprimljena kao neblagovremena kod ugovornog organa, a u skladu sa odredbama člana 63. stav 1. Zakona o javnim nabavkama BiH ("Službeni glasnik BiH", broj 39/14, 59/22 i 50/24) i odredbama člana 15. stav 6. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15), ista je vraćena ponuđaču neotvorena.

Ugovorni organ je nakon pregleda i ocjene ponuda zakazao provođenje e-aukcije za 17.11.2025. godine u 09:05 sati.

Konačna rang lista ponuđača koji su učestvovali na e-aukciji:

R. broj	PONUĐAČ	Cijena nakon provedene e-aukcije KM (bez PDV-a)
1	HIDRO-GEO INŽENJERING d.o.o. TEŠANJ	23.000,00
2	FILT d.o.o. SARAJEVO	23.050,00
3	ICE-NET d.o.o. SARAJEVO	23.070,00
4	ZTR BMG ELEKTRONIK ZVORNIK	23.085,47

Dana 18.11.2025. godine Agencija za javne nabavke BiH u postupku 1132-1-1-73/25 - Nabavka i ugradnja novih klima uređaja je poništila e-aukciju koja je završena dana 17.11.2025. godine u 09:05 sati.

Razlog poništenja e-aukcije je: Tehnički problemi u e-aukciji uz obrazloženje:

"Dana 17.11.2025. godine, u periodu od 09:00 do 11:00 sati, nastali su tehnički problemi na komunikacijskim serverima za koje je odgovorna Agencija za javne nabavke BiH.

Navedeni tehnički problemi uzrokovali su neprihvatanje ispravno podnesenih ponuda tokom procesa provođenja e-aukcije.

U skladu sa Članom 9. stav (1) Pravilnika o uslovima i načinu korištenja e-aukcije ("Službeni glasnik BiH", broj 80/23), predmetna e-aukcija se zakazuje ponovo".

Agencija za javne nabavke BiH ponovo je zakazala termin održavanja e-Aukcije za 20.11.2025. 13:15 za ugovorni organ AGENCIJA ZA VODNO PODRUČJE RIJEKE SAVE u postupku 1132-1-1-73/25 - Nabavka i ugradnja novih klima uređaja.

Konačna rang lista ponuđača koji su učestvovali na e-aukciji (ponovljena):

R. broj	PONUĐAČ	Cijena nakon provedene e-aukcije KM (bez PDV-a)
1	ICE-NET d.o.o. SARAJEVO	15.499,00
2	ZTR BMG ELEKTRONIK ZVORNIK	15.500,00
3	HIDRO-GEO INŽENJERING d.o.o. TEŠANJ	20.999,00
4	FILT d.o.o. SARAJEVO	21.000,00

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo.

Žalba se podnosi Uredu za razmatranje žalbi BiH putem ugovornog organa.

Žalilac je obavezan platiti naknadu za pokretanje žalbenog postupka u iznosu od 750,00 KM (član 108. stav (1) tačka a) Zakona o javnim nabavkama).

- Akt izradio: 

- Akt kontrolisao: 

Dostaviti:

- Ponuđačima
- Sektor za pravne poslove
- Sektor laboratorija za vode
- a/a

DIREKTOR




dr. sc. Senad Memić